

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-12353/24
Sarajevo, 27.5.2024. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

Izrada priključka alternativnog napajanja zgrade Općine – agregat

I

Prihvata se preporuka Komisije za javnu nabavku radova i ugovor u postupku javne nabavke - Izrada priključka alternativnog napajanja zgrade Općine - agregat, broj obavještenja 422-7-3-72-3-101/24 objavljeno na Portalu javnih nabavki BiH dana 29.4.2024.godine i u “Službenom glasniku BiH”– Oglasnik javne nabavke broj 30/24, dodjeljuje se ponuđaču „Nexen” d.o.o. Banja Luka sa ponudom u iznosu od 32.478,60 KM bez PDV-a, odnosno 37.999,96 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj Odlukom broj 02/12-19-12353/24 od 26.4.2024.godine Općina Novi Grad Sarajevo pokrenula je konkurentski postupak javne nabavke – Izrada priključka alternativnog napajanja zgrade Općine - agregat, broj obavještenja 422-7-3-72-3-101/24 objavljeno na Portalu javnih nabavki BiH dana 29.4.2024.godine i u “Službenom glasniku BiH”– Oglasnik javne nabavke broj 30/24.

Zapisnikom o otvaranju ponuda od 13.5.2024. godine Komisija je konstatovala da su u predviđenom roku u propisno upakovanim kovertama pristigle tri (3) ponude ponuđača:

1. “Nexen” d.o.o. Banja Luka; 2. “General Engineering” d.o.o. Sarajevo i 3. “Elekting” d.o.o. Sarajevo
Zapisnik sa otvaranja ponuda dostavljen je ponuđačima na fax u zakonom predviđenom roku.

akon što je Komisija utvrdila da su pristigle tri ponude, pristupila je analizi i procjeni dokumentacije kojom i trebaju dokazati svoju kvalifikovanost za učešće u ovom postupku.

ja je konstatovala da dostavljena ponuda ponuđača „General Engineering“ d.o.o. Sarajevo ne ispunjava kriterijske uslove tražene u tenderskoj dokumentaciji iz tačke 3.4.1. (c) tehnička i profesionalna sposobnost – da je opremljen neophodnom mehanizacijom za obavljanje predmetnih radova: kamion-lkom, mini rovokopač do 1kom. Tačkom 3.4.2.d) propisano je da se kao dokaz o obezbijedenosti opreme i mehanizacije neophodne za obavljanje predmetnih radova dostavlja za radne mašine ovjerena kopija važeće saobraćajne ili upotrebne dozvole, ako iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to potvrđuje (original ili ovjerena kopija). Ukoliko ponuđač nije vlasnik tražene mehanizacije potrebno je dostaviti dokaz o iznajmljivosti (original ili ovjerena kopija). Komisija je konstatovala da je ponuđač kao dokaz da posjeduje neophodnu mehanizaciju na stranici broj 109. ponude dostavio ovjerenu kopiju Ugovora o finansijskom leasingu sa Sparkasse bank broj 08811/22 od 18.10.2022. godine čiji je predmet leasinga bager Sany SY35U, međutim nije dostavio saobraćajnu niti upotrebnu dozvolu što što je bio dužan dostaviti u skladu sa tačkom tenderske dokumentacije.

Iz naprijed navedenih razloga utvrđeno je da je ponuda ponuđača „General Engineering“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1.c) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Komisija je konstatovala da dostavljena ponuda ponuđača „Elekting“ d.o.o. Sarajevo ne ispunjava kriterijske uslove tražene u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine uspješno izvršio najmanje jedan ugovor koji za predmet ugovora ima karakteristike navedene u tenderskoj dokumentaciji, a navedeno dokazuje dostavljenjem liste izvršenih ugovora ponuđača da je u protekle tri godine uspješno izvršio najmanje jedan ugovor koji za predmet ima elektro radove ili slične poslove vrijednosti najmanje 38.000,00 KM. Uz spisak izvršenih ugovora ponuđač je dužan dostaviti potvrdu za ugovor koji za predmet ima elektro radove ili slične poslove vrijednosti najmanje 38.000,00 KM sa PDV-om koju je izdala ugovorna strana – naručilac radova, a koja sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.

Ponuđač je na stranici broj 38. ponude ostavio potvrdu o uredno realiziranim ugovorima koje je izdao „Kolinvest“ d.o.o. Sarajevo broj 01-29/22 od 09.02.2022.godine gdje se navodi da je ponuđač „Elekting“ d.o.o. Sarajevo učestvovao u izvođenju elektroinstalaterskih radova na objektu vrtića „Bulbul“ sa ukupnom vrijednošću ugrađene rasvjete u iznosu od 38.512,00KM bez PDV-a, te potvrdu na strani broj 39. ponude koju je takođe izdao „Kolinvest“ d.o.o. Sarajevo broj 01-109/22 od 23.5.2022.godine gdje se navodi da je ponuđač „Elekting“ d.o.o. Sarajevo učestvovao na izvođenju elektroinstalaterskih radova na objektu vrtić „Bulbul“ u iznosu od 98.891,77 KM bez PDV-a. Komisija je uvidom u dostavljene potvrde konstatovala da je nejasno ko je naručilac predmetnih radova, odnosno da je nejasno u kom svojstvu je firma „Elekting“ d.o.o. Sarajevo realizovala radove u navedenom iznosu. Nadalje, obzirom da se radi o javnim radovima, Komisija je izvršila uvid u e-portal javnih nabavki te utvrdila da za javnu nabavku koja je predmet dostavljenih potvrda naručilac radova bila Općina Stari Grad Sarajevo, broj postupka 478-1-3-102/20 te da je izabrani izvođač radova bio „Kolinvest“ d.o.o. Sarajevo. Komisija je konstatovala da je potvrdu o urednom izvršenju posla mogla izdati samo Općina Stari Grad u skladu sa članom 73. Zakona o javnim nabavkama, a ukoliko je „Elekting“ d.o.o. Sarajevo bio angažovan kao podizvođač na predmetnim radovima.

Shodno gore navedenom Komisija nije mogla cijeliti dostavljene potvrde kao prihvatljive, jer nisu izdate od strane naručilaca radova. Iz naprijed navedenih razloga utvrđeno je da je ponuda ponuđača „Elekting“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1.c) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Komisija je pristupila analizi i procjeni dokumentacije preostale ponude te konstatovala da dostavljena ponuda ponuđača „Nexen“ d.o.o. Banja Luka ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu te konstatovala da je ponuda računski ispravna.

Shodno naprijed navedenom Komisija je donijela preporuku za zaključenje ugovora za predmetnu nabavku sa ponudačem "Nexen" d.o.o. banja Luka.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 5 (pet) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Besagić, sekretar Komisije



DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik
mr. Semir Efendić